

PROCESO PA SACA OF RENOPA

CERTIFICADO DI SALUD

Stap 1.

Prome peticion of renobacion:

- Pasa personalmente na seccion di Inspeccion di Alimento y Higiena situa na Dr. Oduberstraat 1, Oranjestad entre dialuna pa diahuebs for di 7:45am- 11:45am of 1:15pm- 3:30pm. Riba diabierna ta unicamente entrega certificado no por haci peticion.
- Acudi na seccion di Inspeccion di Alimento y Higiena ariba e dia y e orario di cita.
- E persona mester bin cu un identificacion valido pa verifica su identidad:
 - Cedula di Aruba valido of
 - Un papel di censo di Afl. 5,-(no mas bieu cu 6 luna) cu un paspoort of rijbewijs valido;
- Mester paga Afl. 30,- na seccion di Finanzas di Departamento di Salud Publico pa e proceso pa e Certificado di Salud (ex-Carchi Berde):
 - E pago por sosode solamente cu swipe of
 - Online: Aruba Bank account # 424499 t.n.v. Directie Volksgezondheid, descripcion: Carchi di Salud, number di cliente, ID number di cliente

Stap 2.

Testnan cu mester wordo haci:

- Laboratorio Fundacion Servicio Medico Laboratorio Aruba (FSLMA)
Na laboratorio ta paga Afl. 40,- pa test di faeces (sushi):
 - E pago por sosode solamente cu swipe of
 - Online: RBC Royal Bank account # 7700000100123709 t.n.v. FSLMA, descripcion: Carchi di Salud, number di cliente, ID number di cliente
- Röntgen
 - Por acudi pa saca potret di thorax (pulmon) na Hospital, na IMSAN of na Urgent Care esaki tin un costo;
 - E potret di thorax (pulmon) tin un validez di 5 año.

Stap 3.

Resultado:

- Despues di a entrega e test di faeces (sushi), su 2 siman (10 dia di trabou) despues ariba un diabierna por acudi na seccion di Inspeccion di Alimento y Higiena, Dr. Oduberstraat 1 pa busca e Carchi di Salud cu tin un validez di 1 año.